

Txirrindularitza

Indurain hitz handien artean agurtu du munduak

■ Nazioarteko prentsa guztiak dio nafarra txapeldunen modura agurtu dela

Erredakzioa / Donostia

MIGUEL INDURAINEN erretiratzeke erabakiak hainbat eta hainbat erreakzio sortu du mundu osoan. Txirrindulari nafarra goi-goian zegoela joan da, eta askok jarraitzea nahi zuten arren, denek errespetatu dute erabakia. Atzo, nazioarteko prentsak hitz handiekin agurtu zuen Indurain. Frantzian, esate baterako, *L'Equipe* kirol egunkariak lehen orrialde osoa eskaini zion Atarrabikoari, «Indurain ihesi doa» titularpean. Barne orrialdeetan, Miguel Indurain «txapeldun bezala» doala dio *L'Equipe*-k. «Miguel erdi-jainkoa da, erdi-gizakia eta erdi-italiarra».

Italian ere, lehen orrialde guztiak Indurainentzat izan ziren atzo. «Kirolak mugarik gabeko txapeldun bat agurtzen du», dio *Corriere dello Sport* kirol egunkariak. *La Repubblica*-rentzat, nafarra «handia izan da kirol jardueran, eta handia izan da sinpletasunean, diskrezioan, ohorean». *La Stampa*-k, berriz, dio Indurain «txirrindularitza munduaren txalo artean» joan dela. Dementzat, Indurain «perfektua izan da azken momentura arte».

Alemaniko egunkariak, oro har, Indurainek jarraitzeke gaitasuna zuela zioten atzo. *Frankfurter Rundschau* egunkariak, adibidez, zioen kirolak «pertsona garrantzitsua» galdu duela. «Beti da damutzekoa figura batek ihes egiten duenean, eta batez ere joateko premiarik ez duenean. Beste denboraldira bat egin zezakeen». *Die Welt* egunkariaren iritziz, «beharbada nekatuta besterik ez zegoen. Azkenean motibazio falta nabari zitzaion». Dena den, Alemanian ere adostasuna osoa da Indurainen erabakia errespetatzekoan. «Tourrak urte asko itxaron beharko du berriro ere horrelako txapeldun bat aurkitzeko. Eta txirrindularitza guztiak denbora luzez egon beharko du Indurainen mailako pertsonalitate bat ikusteko».

Danimarkako prentsaren iritziz Miguel Indurain joateak erraztu egin dio bidea Bjørne Riis azken irabazleari, eta Belgikan diote «erregeak agur» esan duela. *Le Soir* egunkariarentzat, Indurain «garai modernoetako txirrindularia» izan da, eta «Miguel Erregearen» datu aipagarrienak azaltzen ditu. *La Dernière Heure*-k, berriz, dio agian Indurain «goizegi» erretiratu dela, «tropela bere jauna gabe utziz». ✕

Futbola

Gola lehenbailehen sartu

Asierren baja eta Nagore hasierako hamaikakora itzultzea dira Osasunako nobedade nagusiak

17:30 (ETB1)

OSASUNA / ALAVES

Zabalza / Aranguren

13 Lopez Vallejo;	13 Tito;
21 Lacruz	16 Berruet
22 Aitor	4 Villanova
14 Coco;	5 Carmona
3 Jandri;	6 Cudi;
6 Nagore	20 Azkoitia
7 Kuznetsov	18 Juli
8 Palacios	14 Mendez;
23 Fredi;	25 Riesco
9 Simons	9 Serrano
15 De Freitas	11 Codina

Epailea:

Medina Cantalejo

Zelaia:

Sadar

Karmele Jaio / Gasteiz



Asierrek ezingo du jokatu hurrengo bi hilabeteetan, belaunean lesionatu egin baita aste honetan.

JOXE LACALLE

URTARRILA ondo hasi nahi du Zabalzak, eta horretarako derri-gorrezkoa da gaur Alavesen kontrako partidua irabaztea. Hilabete hau funtsezkoa izango da talde gorritxoarentzat, sailkapenean duen posizioa ez delako oso eroso puntuak galtzen hasteko, eta Sadarrekoak atxiki nahi ditu Osasunako entrenatzaileak. Hori izan da urte hasiera honetan jokalariei errepikatu dien mezua.

Nobedade handirik gabe hasi zen urte berria, jokalariek oporretara eraman zuten pisu bera ekarri zutelako atzera Taxoara, eta Robert Ullathorne eta Dimitri Kuznetsov soilik nahiko marran-

taturik etorri zirelako Ingalaterratik eta Errusiatik. Hala ere, osteguneko entrenamenduan, berri txarra izan zen Taxoaren. Asier atzelariak hanka bihurritu eta mina hartu zuelako. Atzo bertan San Miguel klinikan egin zitzaion azterketan baieztatu zen lesioaren garrantzia: bi hilabeterako baja izango da bizkaitarra, ezker belau-neko aurreko lotailu gurutzatua lesionatuta daukalako. Fernandez De Prados medikuak azaldu zuenez, igeltsua jarri zaio hankan eta martxora arte ez da itzuliko entrenamenduetara. Baja garrantzitsua da Zabalzarentzat, partidua guztiak

jokatu ez arren, egin dituenetan ondo aritu delako Asier.

Gaurko partiduari begira, entrenatzaileak atzo azpimarratu zuen lehen gola laster sartzea izango dela garrantzitsua. «Alavesek oso antolatuta jokatzen du beti, diziplina handiz, eta gogoratu behar dugu zortzi edo bederatzirako partidua egon dela galdu gabe. Beraz, guk gol bat sartu behar dugu ahal bezain laster, haiek ere jokatzeke modua alda dezaten».

Entrenatzaileak 17 jokalariei deitu ditu gaurko partidurako, Ullathorne ez dagoelako erabat osatuta, baina hamaikakoa guztiz erabaki-

ta dauka jada. Azpimarratzekoa da Nagore berriro itzuliko dela hamaikakora ia denboraldi hasiera osoa lesionatuta egon ondoren.

Alavesek partidua gogorra iragarri du

• Alavesek atzo Ibaian egindako entrenamenduan ondoren, Txutxi Aranguren Alaveseko entrenatzaileak ez zuen aurreratu zein izango den Alavesen hamaikakoa Osasunaren kontrako partiduan. Hala eta guztiz ere, entrenamenduan erabili zuen hamaikakoa honako hau izan zen: Tito, Berruet, Villanova, Carmona, Cudi, Serrano, Azkoitia, Juli, Mendez, Riesco eta Codina. Ziur aski, horixe izango da Osasunaren kontra erabiliko duen hamaikakoa. Ozegovic deialditi kanpo geratu da.

Jokalariei hauekin batera, Armando, Pedro, Pedro Alberto, Mestrovic eta Marcelo Dosantos jokalariek ere sartu dira deialdian. Serranok non jokatuko duen da orain argitu beharreko zalantza handiena. Azken entrenamenduetan Aranguren Serrano zelaiaren erdialdean kokatu du. Serranok erdialdean edo aurrealdean jokatuko duen ez zuen argitu nahi izan atzo Aranguren.

Alaveseko entrenatzaileak Sadarren jokatuko den partidua oso parekatua izango dela iragarri zuen. Gaurko partidua iaz bi taldeek elkarren aurka jokatu zituzten partiduekin «zerikusirik ez» duela izango aurreratu zuen Aranguren. «Denboraldi bakoitza ezberdina da, eta jokalariek ere ezberdinak dira» adierazi zuen, eta gaurko derbia oso garrantzitsua izango dela gaineratu. ✕

Garmendia eta Sarriegi jokatzeke prest

■ Eibarrek Las Palmas talde irregularraren etxean jokatuko du ibilbide bikainarekin jarraitzeke asmoarekin

18.00

LAS PALMAS / EIBAR

Cappa / Alonso

1 Manolo	1 Garmendia
8 Paquito	7 Arriola
4 Asier	12 Guerrero
15 Simionato	4 Arce
3 Eleder	20 Sarasua
24 Pico	6 Aitor Arregi
26 Mendiguren	8 Artetxe
6 Angel	14 Solaun
10 Socorro	10 Bixente
11 Turu Flores	16 Olano
9 Orlando	15 Huguin

Epailea:

Sanjorge Otero

Zelaia:

Insular

Maidar Aranberri / Eibar

EIBARREK Las Palmas taldearen aurka jokatuko du gaur urteko lehen partidua, Insular futbol zelaietan. Periko Alonsoren taldeak ezin hobeto amaitu zuen Ligako lehen itzulia. Bigarren postuan

jarraitzen du, Meridaren puntu berberekin (hala ere, kontuan hartu beharra dago liderrak partidua bat gutxiago jokatu duela).

Eibarrek jokalariek berri batekin hasiko du urtea. Izan ere, Pizo Gomezek denboraldia amaitu arte fitxatu du Periko Alonsoren taldearekin. Jokalariek eibartarrak, azken bi denboraldiak Osasunaren eman ondoren, denboraldi-aurrea Eibarrekin egin zuen. Irailean belaunean ebakuntza egin zioten, eta sendatu eta gero Periko Alonsoren aginduetara entrenatzen hasi zen. Hala ere, gaurko partiduari begira entrenatzaile tolosarrak ez du Pizo Gomez zelairatuko. Jokalariek eibartarrarekin batera, Aginaga, Loinaz, Joseba Arregi eta Martinez ere baja dira Las Palmasen aurkako norgehiagokarako.

Periko Alonsok deialdirako Garmendia eta Sarriegi berreskuratu ditu. Billabonako atezainak gripea izan du azken egunotan, baina dagoeneko sendatu da. Sarriegi Racingen aurka Kopan belaunean izandako lesioa gaintu du eta prest dago Insularren jokatzeke. Las Palmasi dagokionez, sail-

kapeneko hamaikagarren postuan dago, Eibarrek baino 13 puntu gutxiagorekin. Angel Capparen taldea iaz igo zen Bigarren A Mailara, lau urte Bigarren B Mailan eman ondoren. Las Palmas taldea denboraldi irregularra egiten ari da. Liga hasieran, Ourense eta Real Madriden aurka jarraian galdu zuten eta, ondorioz, Pacuco Rosales teknikoa

kanpora bidali eta Angel Cappa fitxatu zuten.

Kanariar Irletako taldeak mailako aurrekonturik altuenetakoa du eta aurreko jokalariek berri asko ekarri ditu. Besteak beste, Turu Flores, Walter Pico, Radelovic eta Radojicic. Azken bi fitxaketak Deportivo taldeko Canales atezaina eta Athleticen Mendiguren izan dira. ✕



LEZAMAKO
KIROL
INSTALAZIOAK

Bihar, igandea, 17:00etan
Liga Txapelketa, 2. Maila "B"

BILBAO A.C. - C.D. LEONESA



Audi

Coche Oficial del
Athletic Club



Audi